

# Ruggutönn

Ég er með lausa tönn  
Hún ruggar geðveikt mikið  
Pabbi vill tog' í mína tönn  
En nei, þar dreg ég strikið!

Hún er mín eigin ruggutönn  
Ruggu-ruggu-ruggu-ruggutönn  
Ég vil ekki missa mína ruggutönn  
Ruggu-ruggu-ruggutönn

Ég er með lausa tönn  
Hún ruggar er ég tala  
Mamma vill taka þessa tönn  
Ég neita því og gala: "Nei!"

Hún er mín eigin ruggutönn  
Ruggu-ruggu-ruggu-ruggutönn  
Ég vil ekki missa mína ruggutönn  
Ruggu-ruggu-ruggutönn

Ég er með lausa tönn  
Hún ruggar við hvern sopa  
Ég sötra saft í óða önn  
Því hún ruggar líka er ég ropa!

Ég elska mína ruggutönn  
Ruggu-ruggu-ruggu-ruggutönn  
Ég vil ekki missa mína ruggutönn  
Ruggu-ruggu-ruggutönn

